

柳公權小楷

中國書藉出版社

# 柳公权小楷

中国书籍出版社

一九九三年三月·北京

(京)新登字 008 号

责任编辑 章宏伟

封面设计 石 力

## 柳公权小楷

中国书籍出版社出版

(北京西绒线胡同甲 7 号 邮政编码: 100031)

新华书店北京发行所发行

人民卫生出版社胶印厂印刷

米 米 米

开本: 787×1092 1/16 印张: 4.125 印数: 1—15000册

1993年3月第1版 1993年3月第1次印刷

ISBN 7—5068—0115—9/J·29

定价: 2.60元

金剛般若波羅蜜經

如是佛在舍衛國

祇樹給孤獨園與大比丘眾

二百五十人俱余時世尊

時著衣持鉢入舍衛大城

乞食於其城中次第乞已

至本處飯食訖收衣鉢洗足

已敷座而坐時長老須菩提



中即從座起偏袒右  
肩右膝著地合掌恭敬而白  
佛言希有世尊如來善護念  
諸菩薩善付囑諸菩提世尊  
善男子善女人發阿耨多羅  
三藐三菩提心應云何住云  
何降伏其心佛言善哉善哉  
須菩提如汝所說如來善護

念諸菩薩善付囑諸菩薩汝  
今諦聽當為汝說善男子善  
女人發阿耨多羅三藐三菩  
提心應如是住如是降伏其  
心唯然世尊顛樂欲聞  
佛告湏菩提諸菩薩摩訶薩  
應如是降伏其心所有一切  
衆生之類若卵生若胎生若

濕生若化生若有色若無色  
若有想若無想若非有想非  
無想我皆令入無餘涅槃而  
滅度之如是滅度無量無數  
無邊衆生實無衆生得滅度  
者何以故須菩提若菩薩有  
我相人相衆生相壽者相即  
非菩薩  
復次須菩提菩薩

於法應無所住行於布施所  
謂不住色布施不住聲香味  
觸法布施須菩提菩薩應如  
是布施不住於相何以故若  
菩薩不住相布施其福德不  
可思量須菩提於意云何東  
方虛空可思量不也世尊  
須菩提南西北方四維上下



虛空可思量不不也世尊須  
菩提菩薩無住相布施福德  
亦復如是不可思量須菩提  
菩薩但應如所教住須菩提  
於意云何可以與相見如來  
不不也世尊不可以相得  
見如來何以故如來所說身  
相即非身相佛告須菩提凡

所有相皆是虛妄若見諸相  
非相則見如來須菩提白  
佛言世尊頗有衆生得聞如  
是言說章句生實信不佛告  
須菩提莫作是說如來滅後  
後五百歲有持戒修福者於  
此章句能生信心以此為實  
當知是人不少於一佛二佛三

四五佛而種善根已於無量  
千萬佛所種諸善根聞是章  
句乃至一念生淨信者須菩  
提如來悉知悉見是諸衆生  
得如是無量福德何以故是  
諸衆生無復我相人相衆生  
相壽者相無法相亦無非法  
相何以故是諸衆生若心取

相則為著我人衆生壽者若  
取法相即著我人衆生壽者  
何以故若取非法相即著我  
人衆生壽者是故不應取法  
不應取非法以是義故如來  
常說汝等比丘知我說法如  
筏喻者法尚應捨何況非法  
須菩提於意云何如來得阿

耨多羅三藐三菩提耶如來  
有所說法耶湏菩提言如我  
解佛所說義無有定法名阿  
耨多羅三藐三菩提亦無有  
定法如來可說何以故如來  
所說法皆不可取不可說非  
法非非法所以者何一切賢  
聖皆以無為法而有差別



須菩提於意云何若人滿三千大千世界七寶以用布施是人所得福德寧為多不須菩提言甚多世尊何以故是福德即非福德性是故如來說福德多若復有人於此經中受持乃至四句偈等為他人說其福勝彼何以故須菩提

提一切諸佛及諸佛阿耨多  
羅三藐三菩提法皆從此經  
出須菩提所謂佛法者即非  
佛法須菩提於意云何須陁  
洹能作是念我得須陁洹果  
不須菩提言不也世尊何以  
故須陁洹名為入流而無所  
入不入色聲香味觸法是名

須陀洹 須陀洹 菩提於意云何斯  
陀含 能作是念 我得斯陀含  
果不須菩提言不也 世尊何  
以故 斯陀含名一往來而實  
無往來是名斯陀含 須菩提  
於意云何 阿那含 能作是念  
我得阿那含果 不須菩提言  
不也 世尊 何以故 阿那含名

為不來而實無來是故名阿  
那含須菩提於意云何阿羅  
漢能作是念我得阿羅漢道  
不須菩提言不也世尊何以  
故實無有法名阿羅漢世尊  
若阿羅漢作是念我得阿羅  
漢道即為著我人衆生壽者  
世尊佛說我得無諍三昧人